



María ten boas pernas  
que llas vin no corredor  
non vin pernas coma elas  
na filla dun labrador.

*VI 463*

Se non sabes namorar -e  
eu che direi como é  
chóscalle o ollo dereito  
trípalle a punta do pé.  
Chóscalle o ollo dereito  
trípalle a punta do pé.

*VI 669*

Cuantos hay que te dirán -he  
salero por ti me muero.  
Cuantos hay que te dirán -he  
salero por ti me muero.  
Yo que no te digho nada  
soy aquel que más te quiero.  
Yo que no te digho nada  
soy aquel que más te quiero.

*VI 61*

Esta noite va de ronda  
la que viene de parranda,  
para la otra que viene  
parrandiña de mi alma.

- E estas non se cantaban en galego?
- Algunhas eran en galego, era todo mesturado. Se non vai enteiro foi á mitá.

*I 253*

A miña nai non me quere  
porque non vou á siara.  
A miña nai non me quere  
porque non vou á siara.  
Se non fago a sementeira  
non recollería nada.  
Se non fago a sementeira  
non recollería nada.

*I 382b*

Eu ben vin estalo cuco  
na cima do castiñeiro  
un martilliño na man  
aprendendo a carpinteiro.



*VI 1607c*

Arrabeas porque canto  
porque río moito máis -e.  
Arrabeas porque canto  
porque río moito máis -e,  
inda hei de rir e cantar  
para que arrabees máis -e.

*VI 1573b*

O carballo dá ia landra,  
a raíz dá ia verdura.  
O carballo dá ia landra  
a raíz dá ia verdura.  
Anda nena marmurada,  
rite de quen te marmura.  
Anda nena marmur -e  
trás de quen te marmura.

*VI 2234*

Ai adiós martes de Entroido  
ai, adiós martes larpeiro,  
hasta domingo de Pascua  
non toca máis o pandeiro.  
hasta domingo de Pascua  
non toca máis o pandeiro.

*VI 2235a*

Ai adiós martes de Pascua,  
ai adiós meu queridiño  
hasta domingo de Pascua  
non unto mailo fuciño.